

Кондак 1

Взбранный Царя Небеснаго служителю и великий Църкве Христовы святителю, правыя веры исповеданием во всем мире просиявый, велие имеяй дерзновение ко Святей Троице, от всяких нас бед ограждай, со умилением тебе вопиющих:

Радуйся, Василие, великий иерарше, Православия всемирный светильниче.

Икос 1

Ангелов Творец, от века предызбранный ты, преблаженне отче Василие, бйти великаго светильника Църкве Своея, ангелоподобна житием яви ты: вельми бо богомыслием и пощеньми в пустыни подвижався, на высоту добродетели возшел еси. Темже, велию на небесех славу стяжавый, прими от нас смиренных, восхваляти ты дерзающих, сия хвалёбныя глаголы:

Радуйся, Василие, царствия тезоименитый; радуйся, иерарше Христов великий.

Радуйся, Църкве непоколебимый столпе; радуйся, рода святого пречестная отрасле.

Радуйся, от юности Царю Небесному всеусердно служивый; радуйся, всею земною, наипаче же небесною, премудростию ум свой обогативый.

Радуйся, купно со другом твоим Григорием Богословом в любомудрии преуспевавый; радуйся, учителя твоего Еввула премудрыми словесы ко Христу обративый.

Радуйся, чистоты и целомудрия предивный хранителю; радуйся, ко спасению верный путеводителю.

Радуйся, душепагубных ересей разорителю; радуйся, богомудрый вселенная учителю.

Радуйся, Василие, великий иерарше, Православия всемирный светильниче.

Кондак 2

Видя Церковь Христо́ву арианским зловерием обуреваему, и Божью призванию повинуюся, изшел еси, преподобне отче, из пустыни, юже возлюбил еси, во град Кесарию, идеже благодать священства восприял еси и во архиепископа поставлен был еси, слово спасения велегласно всем концем земли благовествуя, верныя же по вся дни поучая Богу, Создателю всех, достойно воспевати: Аллилуиа.

Икос 2

Разум верных боговедением просвещая, святителю Христов Василие, естество сущих изъяснил еси, и Бога невидимаго в творениих руку Его познавати научил еси. Темже и мы, твоими богомудрыми ученьми просвещаемии, взываем сице:

Радуйся, познанием Бога, в шесть дней вся сотворша, верныя озаривый; радуйся, дивныя дела Его достойно восхваляти научивый.

Радуйся, палато мудрости преукрашенная; радуйся, сокровищница богословия преизобильная.

Радуйся, яко тайны премудрости Божия во всем мире видети научал еси; радуйся, яко и в малых вещех величие Божие зрети наставлял еси.

Радуйся, света первозданнаго красоту живописавый; радуйся, твердую силу перваго глагола Божия во вселенней показавый.

Радуйся, бблием травным скорую гибель славы земныя изобразивый; радуйся, во благолепии светил небесных Солнце Правды Христа зрети указавый.

Радуйся, трудолюбием малой твари от лениности людей отвращавый; радуйся, человеку, царю тварей, над страстьми царствовать повелевавший.

Радуйся, Василие, великий иерарше, Православия всемирный светильниче.

Кондак 3

Силою Всевышняго укрепляемъ, отче святый Василие, противоборствовал еси богоотступнику Иулиану, и злое его на христианы умышление разрушити умолил еси Господа и Пречистую Его Матерь, да вси Единому Богу благодарно поют: Аллилуиа.

Икос 3

Имеяй ревность велию по Бозе Вседержителе и меч слова Его в руце восприим, плевелы языческаго Иулианова нечестия скоро посекл еси, верныя же во благочестии утвердил еси; научи и нас, преподобне отче, единому точию Богу чистым житием служить, зовущих ти сице:

Радуйся, гордаго Иулиана в богоотступстве мужественно обличивый; радуйся, христоненавистныя его начинания разрушивый.

Радуйся, молитвою слезною, яко копием, того поразивый; радуйся, скорую его погибель предвозвестивый.

Радуйся, люди Божия, якоже Моисей древле Израиля, от идолослужения свободивый; радуйся, плевелы нечестия истребивый.

Радуйся, пищею словес Божиих верныя изобильно насытивый; радуйся, струями благодати сердца напоивый.

Радуйся, скрижали велений Христовых твердо содержати увещавый; радуйся, учение уст твоих житием утвердивый.

Радуйся, рабе благий и верный; радуйся, делателю вертограда Христова усердный.

Радуйся, Василие, великий иерарше, Православия всемирный светильниче.

Кондак 4

Бурю ярости царя Уалента, арианским зловерием одержима, ты, святче Божий, силою Духа в тебе живуща, утишил еси, и мир Церкви Святей даровал еси, святыми трудами твоими и теплыми к Богу молитвами Емуже радуяся воспел еси: Аллилуиа.

Икос 4

Слышав злочестивый Уалент, яко ты, иерарше Божий, во исти-

не стоиши, и вси вернии гласу твоему повинуются, восхотé от правыя веры ты отврати́ти; сего́ ради посла́ к тебе епа́рха своего́ Модéста, по́слежде же и са́м при́де в Кесари́ю. Но ты, богонóсе óтче, ни гнéва царéва, ни прещéний грóзнаго его́ воево́ды не устраши́лся еси́; мы́ же, прославля́юще сицевóе твоé твёрдое исповéдание, вопи́ем ти́:

Ра́дуйся, побóрнице правыя веры непоколебимый; ра́дуйся, па́стырю, ду́шу за верныя положи́ти гото́вый.

Ра́дуйся, твёрдое исповéдание Петро́во показáвый; ра́дуйся, Илиину́ ре́вность о сла́ве Святы́я Тро́ицы яви́вый.

Ра́дуйся, гнéв царя́ нечестиваго боголéпием священнослужéния ути́шивый; ра́дуйся, богомúдрыми словесы́ уста́ зловернаго воево́ды заградíвый.

Ра́дуйся, я́ко прещéния изгна́нием и мýками не убо́ялся еси́; ра́дуйся, я́ко и смéрть за Христа́ восприя́ти желáл еси́.

Ра́дуйся, гонéние за веру претерпéвый; ра́дуйся, скорбьми́ многими в ра́дость Го́спода вше́дый.

Ра́дуйся, и́стину Христову́ пред царí и влады́ки небо́язненно вещáвый; ра́дуйся, вернаго служíтеля Царя́ Небéснаго твёрдым исповéданием себе́ показáвый.

Ра́дуйся, Васи́лие, вели́кий иерáрше, Правосла́вия всеми́рный светíльнице.

Конда́к 5

Боготéчная звезда́ яви́лся еси́, святителю́ Христовъ Васи́лие, пресвётлыми милосéрдия лучáми но́щь скорбéй мрачную́ осиява́ющая, мглу́ бéd отгоня́ющая, и все́м, в мо́ре жити́я бúrнем плыву́щим, пúть верный к Цáрству Небéсному́ показу́ющая, да вси́ спаса́ющему Бо́гу раду́ющеся пою́т: Аллилу́иа.

И́кос 5

Ви́девше вси́ тя, святителю́ Бóжий, я́ко отца́ чадолюбíва, в напа́stech и скóрбех от тебе́ по́мощи усéрдно иска́ху; ты́ же о все́х

милосердовал еси, образ веры истинныя в себе сим показуя. Буди, преблагий отче, скорый помощник и нам, грехми и скорбьми обуреваемым, с любовью ти вопиющим:

Радуйся, светильниче любве, от Христа возсиявый; радуйся, Отцу Небесному в милосердии подражавый.

Радуйся, неимущих богатое сокровище; радуйся, в нуждах верное прибежище.

Радуйся, гладныя, якоже Иосиф древле, препитавый; радуйся, многи обители бездомным и убогим в Кесарии основавый.

Радуйся, прокаженных раны своима рукама, яко самарянин добрый, врачавый; радуйся, гонителя твоего Модеста недугующа исцеливый и от народныя казни того избавивый.

Радуйся, вдовицу убогую от обиды епарха защитивый; радуйся, жену грешнице прощение грехов у Бога испросивый.

Радуйся, сирот отче и страждущих утешение; радуйся, во гресех погибающих вразумление и исправление.

Радуйся, Василие, великий иерарше, Православия всемирный светильниче.

Кондак 6

Проповедник всему миру истины Христовы явился еси, святителю отче Василие, силою благодатною слова твоего, яко острием меча, греховныя сердца пронизая и к покаянию возбуждая, да вси чистым сердцем Троице Святей поют: Аллилуиа.

Икос 6

Возсиял еси на тверди церковней, яко великое светозарное светило, отче Василие, всю поднебесную разумением веры истинныя просвещающее, мрак же страстей греховных отгоняющее, от нихже и нас свободи, зовущих ти сице:

Радуйся, Троицы Святыя верный служителю; радуйся, таин веры богозаренный изъяснителю.

Радуйся, яко Отцу Сына Единосущна и Духа сопредельна ве-

легласно проповедал еси; радуйся, яко истину о Свете Превечном, от Света Превечна просиявшем, верным изъяснил еси.

Радуйся, Господа Спасителя, яко Бога воплощенна и Творца всех век исповедавый; радуйся, таинство двух естеств и единой Ипостаси во Христе Бозе показавый.

Радуйся, силою царственного слова твоего богатым житницы открыти повелевый; радуйся, от корысти неправедных многи учением отвративый.

Радуйся, душепагубное пьянство словом, яко громом, поражавый; радуйся, жестокосердие и зависть из сердец истреблявый.

Радуйся, воздержания ревнительный наставниче; радуйся, покаяния неумолчный проповедниче.

Радуйся, Василие, великий иерарше, Православия всемирный светильниче.

Кондак 7

Хотя верные от соборищ арианских оградити, ты, святче Божий Василие, вся в церкви благоукрасил еси, и чин умильный Божественных Литургий мудре сложил еси, многи же молитвы, яко миро благовонное, от уст твоих огнедохновенных излишася, имиже во гресех прощения себе и усопшим братиям просим, Троицу же Пресвятую славим, поюще: Аллилуиа.

Икос 7

Новаго Аарона вернии зряху в тебе, отче святыи Василие, егда боголепно Жертву Безкровну священнодействовал еси, дарования Святаго Духа, яко многоценными каменьями светящеюся одеждою, украшен. Ныне же в вышнем жертвеннице о Церкви представляющей, поминай выну и нас, тебе умиленно зовущих:

Радуйся, архиерею Божий, преизобильную, якоже и Аарон, благодать священства восприявый; радуйся, велие дерзновение в молитве за люди стяжавый.

Радуйся, таин Божиих мудрый строителю; радуйся, чина цер-

кóвнаго благоукрасителю.

Рáдуйся, служéнию Литургíи от Самáго Христá, я́коже и Иáков апóстол, научéнный; рáдуйся, молíтвенниче, Дúхом Бóжиим оза-рéнный.

Рáдуйся, небéсным свéтом, я́коже нéцьи вíдеша, в служéнии осиявáемый; рáдуйся, Áнгелы, я́ко нéкиими пресвётлыми мужáми, окружа́емый.

Рáдуйся, я́ко твоёю пёрвее молíтвою к восприя́тию Та́ин Христóвых себé уготовля́ем; рáдуйся, я́ко тво́ими словесы́ в вéчер Пятидесáтницы колéнопоклóнная прошéния возсылáем.

Рáдуйся, Кесарíйскаго святíтельскаго престóла сла́во и украшéние; рáдуйся, я́ко иерéом всея́ Цёркве пода́еши от Бóга благодáтное в служéнии укреплéние.

Рáдуйся, Васíлие, вели́кий иерáрше, Правослáвия всеми́рный светíльниче.

Кондáк 8

Стрáнное и преслáвное видéние открýся о тебé, святíтелю Ва-сíлие, преподóбному Ефрéму Сириáнину: едíножды бо показá ему́ т́я Бóг, я́ко столпá óгненна, высот́и небéсныя досязáюща, пóслежде же, пришéd в Кесарíю, преподóбный узрé т́я óгненным язýком лю́ди поучáюща и умилéнно возопí Бóгу: Аллилу́иа.

Íкос 8

Вéсь свéтом небéсным серафíмския любвé пламенéл есý, богонóсе Васíлие; словесá бо тво́я бéша, я́ко мóлния, ёреси поपालя́ющая, дýши же вёрных пла́менем вéры и любвé просвещáющая; дáждь úбо и нáм, óтче, молíтвою твоёю, íскру хот́я мáлую твоёя́ любвé имéти, зовúщим сицевáя:

Рáдуйся, пламеновíдный стóлпе, ёреси поपालя́й; рáдуйся, ó-гнь вéры íстинныя и любвé нелицемёрныя возгревáй.

Рáдуйся, лж́и Áриевы ёреси твёрдый обличíтелю; рáдуйся, í-стины Христóвы пла́менный ревнítелю.

Рáдуйся, я́ко го́рдаго Евно́миа, Сы́на Бо́жия ху́ливша, посрамил еси́; рáдуйся, я́ко Македо́ниеву хуле́ние Ду́ха Свята́го препре́л еси́.

Рáдуйся, суемúдриа Нестóриева разорíteлю; рáдуйся, че́сти Пресвяты́я Богома́тере усéрдный защítителю.

Рáдуйся, па́стырю, небéсным блиста́нием любве́ осиява́емый; рáдуйся, учíteлю ве́ры, словеса́ молниенóсная вещáвый.

Рáдуйся, богонасаждéнная ма́слино, мно́гих святы́х Цéркви произвéдшая; рáдуйся, лозó, богомúдрых Правосла́вия побóрников израстíвшая.

Рáдуйся, Васи́лие, вели́кий иерáрше, Правосла́вия всеми́рный светíльниче.

Конда́к 9

Все́ еретиче́ское собо́рище не возмо́же противосто́яти благодáтней, я́же в тебе́, святы́й óтче, обита́ше, си́ле; ю́ношу бо не́коего, во вла́сть сатаны́ впа́дша, си́лою моли́твы твоея́ от сетéй вра́жиих отъя́л еси́, пока́явшася же ко Христу́ возврати́л еси́, благодарно поя́ Спасíteлю Бо́гу: Аллилу́иа.

И́кос 9

Витийством богодухновéнным твоим, святíteлю Васи́лие, побежда́емии и ви́девше пресла́вное на ю́ноше бýвшее чúдо, мно́зи от ерети́к ко еди́ней присоеди́ншася Цéркви, ея́же ве́рными и послу́шными ча́дами и нас бýти сподо́би, зовúщих ти́ си́це:

Рáдуйся, вся́ концы́ земли́ небéсным учéнием осия́вый; рáдуйся, благодáтию Христо́вою те́мныя си́лы а́да побежда́вый.

Рáдуйся, ю́ношу от сетéй сатаны́ свободи́вый; рáдуйся, Те́лом и Кро́вию Христо́вою то́го насы́тивый.

Рáдуйся, я́ко душе́, Кро́вию Христо́вою искупле́нней, поги́бнути не да́л еси́; рáдуйся, я́ко, в поги́бельный грéх впа́дша, ю́ношу прости́ти, Христа́ умоли́л еси́.

Рáдуйся, я́ко пресла́вным чúдом лю́ди удиви́л еси́; рáдуйся, я́ко обра́щением заблúждша́ А́нгелы возра́довал еси́.

Ра́дуйся, проси́ти у Го́спода А́нгелов огражде́ния на́с науча́яй;
ра́дуйся, А́нгела Храни́теля моли́твою твоёю к на́м приближа́яй.

Ра́дуйся, от наве́тов вра́жиих свободи́телю; ра́дуйся, во искуше́-
нии́х ско́рый защи́тителю.

Ра́дуйся, Васи́лие, вели́кий иерар́ше, Правосла́вия всеми́рный
свети́льниче.

Конда́к 10

Спасти́ хотя́ Творе́ц Своё словесное создáние, показá ты твёр-
даго вёрных защи́тителя, óтче Васи́лие, и Це́ркве Своея́ храни́теля,
да свёт Правосла́вия тобою́ все́му ми́ру явлен́ будет, и вси́ вёрнии
благодáрне Трои́це Святе́й воспева́ют: Аллилу́иа.

И́кос 10

Стена́ еси́ Це́ркве, и твёрдое вёрных огражде́ние яви́лся еси́, о
вели́кий в иерар́сах Васи́лие, егда́ во гра́де Нике́йстем врата́ цер-
ко́вная си́лою моли́твы твоея́ отвёрзл еси́ и и́стину пра́выя ве́ры
си́м яви́л еси́, уста́ же ху́лящих и́мя Христо́во заградил еси́. На́м
же, Го́спода Спаси́теля правосла́вно испове́дающим, отвёрзи, óтче,
милосе́рдия Бо́жия двéри, заступле́нием твои́м, да зове́м ти́ си́це:

Ра́дуйся, А́нгеле земный́, Це́ркве Христо́вы храни́телю; ра́дуй-
ся, Бо́гом предъизбра́нный вёрных защи́тителю.

Ра́дуйся, врата́ церко́вная, я́коже Илиа́ дре́вле не́бо, моли́твою
откры́вый; ра́дуйся, хра́м святы́й, еретика́ми восхище́нный, па́ки
вёрным возврати́вый.

Ра́дуйся, вёрных от ересей́ огради́вый; ра́дуйся, Це́рковь
Христо́ву неврежде́нну от лжеуче́ний сохрани́вый.

Ра́дуйся, превели́кое на небеси́ и́мя Христо́во и на земли́ чуде-
сы́ возвели́чивый; ра́дуйся, Правосла́вие во вселенней утверди́-
вый.

Ра́дуйся, я́ко тобою́ го́рдость нечестивых низложи́ся; ра́дуйся,
я́ко тобою́ смире́ние вёрных вознесёся.

Ра́дуйся, я́ко тобою́ ве́ра святая́ прославля́ется; ра́дуйся, я́ко

тобою Церковь Христова дивно красуется.

Радуйся, Василие, великий иерарше, Православия всемирный светильниче.

Кондак 11

Пение подобаше возносимо быти тебе с небес, а не от земли, о пречудный Василие, небес бо явление на земли был еси, к небес богородными учеными твоими умы верных возводил еси, и ныне с небес на ны милостиво призираеши и преизобильную всем нам благодать подаеши от Щедродателя Христа Бога, Емуже со Ангелы на Небесех выну поеши: Аллилуиа.

Икос 11

Светоносный светильниче, весь многими дарами Божиими и добродетельми сияющ, был еси, святче Божий Василие, имиже и ны просвети, в добродетели настави и ко Царствию Небесному направи, зовущих тебе сщце:

Радуйся, Церкви Христовы незаходимое сияние и пресветлое украшение; радуйся, яко подаеши христианом во вся веки в вере правей утверждение.

Радуйся, таланты, Богом врученныя тебе, усовершенство; радуйся, от земныя мудрости вся ко спасению полезная собирающий.

Радуйся, сыну цареву во славу православия чудесное исцеление даровавший; радуйся, целомудренное житие Анастасия пресвитера и супружницы его прозревший.

Радуйся, кратко обидящим тя прощающий; радуйся, смирением и терпением клеветы на тя побеждающий.

Радуйся, устав совершеннаго жития иноком учредивый; радуйся, многи иноки в обителях собирающий.

Радуйся, правила и каноны и спасительная учения в наследие Церкви оставивый; радуйся, богородными списанными твоими многоценное сокровище к назиданию христианом даровавший.

Радуйся, Василие, великий иерарше, Православия всемирный

светильниче.

Кондак 12

Благодать великую дарова тебе Христос Бог, святителю отче Василие, не точно заблуждшия к покаянию приводити, но и многи неверныя ко Христу обращати; егда бо уже смертно болезновал еси, ко блаженней кончине приближаяся, евреанина врача, с женою и чады, Святым Крещением просветил еси и Троице Святей купно с ними благодарственную воспел еси песнь: Аллилуиа.

Икос 12

Поют ти велия похвалы вси вернии, о великий иерарше Василие, вельми бо на земли до конца жития твоего во славу православия потрудився, в Небесная Святаа Святых вшел еси, и яко верный Божий служитель, Троице Святей предстал еси, идеже и о нас вину молися, о преблагий отче, верою чадах твоих, с любовью зовущих ти сице:

Радуйся, царское священство, прехвальное Василие; радуйся, Троицы Святыя преукрашенное селение.

Радуйся, чудесными деяньми Царя Небеснаго прославивый; радуйся, ревности своея о славе веры и в болезни смертней не оставивый.

Радуйся, ради обращения неверна чудесное продление себе жития у Бога испросивый; радуйся, своим руками, возстав с одра смертнаго, Крещением того просветивый.

Радуйся, трудами и мудростию силу зловерия победивый; радуйся, благоверным царем победы на враги испросивый.

Радуйся, апостолом в трудех единокравный; радуйся, со святители Григорием Богословом и Иоанном Златоустом, по повелению твоему, единичестно прославляемый.

Радуйся, нетлением мощей просиявый и славою на небесех увенчанный; радуйся, теплый и великий заступниче, от Бога нам дарованный.

Ра́дуйся, Васи́лие, вели́кий иерáрше, Правосла́вия всеми́рный светі́льниче.

Конда́к 13

Опресвяты́й и вели́кий иерáрше Христóв Васи́лие, Правосла́вия светі́ло и ве́рных огражде́ние! При́зри с небесе́ на сие́, приноси́мое ти́ на́ми, хвалéние, и моли́твами тво́ими от страсте́й и бе́д на́с огради́, в пра́вей ве́ре соблюди́ и Ца́рствия Небе́снаго сподо́би, да кúпно с тобо́ю и все́ми святы́ми Трóице Святе́й во ве́ки веко́в поём: Аллилу́иа.

(Этот конда́к чита́ется трижды)

Ўкос 1

Ангелов Творе́ц, от ве́ка предызбра́вый тя́, преблаже́нне óтче Васи́лие, бы́ти вели́каго светі́льника Цéркве Свое́я, ангелоподо́бна жити́ем яви́ тя: вельми́ бо богомы́слием и поще́ньми в пусты́ни подви́зався, на высотú добродéтели возше́л еси́. Те́мже, ве́лию на небесе́х сла́ву стяжа́вый, приими́ от на́с смире́нных, восхваля́ти тя́ дерза́ющих, сия́ хвале́бныя глаго́лы:

Ра́дуйся, Васи́лие, ца́рствия тезоимени́тый; ра́дуйся, иерáрше Христóв вели́кий.

Ра́дуйся, Цéркве непоколеби́мый сто́лпе; ра́дуйся, ро́да свята́го пречестна́я óтрасле.

Ра́дуйся, от ю́ности Царю́ Небе́сному всеусе́рдно служи́вый; ра́дуйся, все́ю земно́ю, наипáче же небе́сною, премúдростию úм сво́й обогати́вый.

Ра́дуйся, кúпно со дру́гом тво́им Григо́рием Богосло́вом в лю́бомúдрии преуспева́вый; ра́дуйся, учи́теля твоего́ Евву́ла премúдрыми словесы́ ко Христу́ обрати́вый.

Ра́дуйся, чистоты́ и целомúдрия предивный храните́лю; ра́дуйся, ко спасéнию ве́рный путево́дители.

Ра́дуйся, душепа́губных ересей́ разорите́лю; ра́дуйся, богомúдрым вселенны́я учи́телю.

Ра́дуйся, Васи́лие, вели́кий иерáрше, Правосла́вия всеми́рный

светильниче.

Кондак 1

Взбранный Царя Небеснаго служителю и великий Църкве Христовы святителю, правыя веры исповеданием во всем мире просиявый, велие имея дерзновение ко Святей Троице, от всяких нас бед ограждай, со умилением тебе вопиющих:

Радуйся, Василие, великий иерарше, Православия всемирный светильниче.

МОЛИТВА ПЕРВАЯ.

О великий во иерарсах, вселенная учителю богомудрый, преблаженне отче Василие! Велия подвиги и труды твоя, яже во славу Святыя Църкве совершил еси: ты исповедник твердый и светильник веры Христовы на земли был еси, светом Боговедения верныя озаряя, ложная учения попяляя и всему миру слово спасительныя истины возвещая. ныне же, велие на Небесех имея дерзновение ко Святей Троице, помози нам, со смирением к тебе припадающим, твердо и неизменно святую Православную веру до конца жития нашего сохранить, от маловерия же, сомнений и колебания в вере соблюди, да не прельщены будем богопротивных и душепагубных учений словесы. Дух ревности святыя, еюже ты пламенел еси, о преславный Църкве Христовы пастырю, возгрей предстательством твоим и в нас, ихже Христос постави быти пастыри, да всеусердно просвещаем и утверждаем в правей вере словесное стадо Христово. Умоли Господа, да возвысится страна наша, и да дарует всему народу нашему здравие, долгоденствие и во всем благое поспешение. Испроси, о милосердый святителю, от Отца светов и всем, всякий дар коемуждо благопотребен: младенцем благое в страхе Божии возрастание, юным целомудрие, старым и немощным укрепление, скорбящим утешение, недугующим исцеление, заблудшим вразумление и исправление, обидимым заступление, сиротам и вдовицам защищение, ис-

кушаемым благодатное поможение, отшедшим от сего временнаго жития отцем и братьям нашим блаженное упокоение. Ёй, святче Божий, прїзри мїлостиво от обїтелей Гóрних на нас, смиренных, многими соблазны и напастыи обуреваемых, и к земли приверженных возведї к высотé Небесней. Преподаждь нам, преблагїй óтче, твоё архипастырское и святоё благословение, да, óным осеняемии, в сїе нóвое лéто и во всё прóчее врéмя животá нашёго в мїре, покаянии и послушáнии Святéй Правослáвней Цérкве поживём, заповеди Христóвы усérдно творяще, пóдвигом добрым вéры подвизáющесе, и тáко Цáрствия Небеснаго достїгнем, идéже с тобóю и всеми святы́ми сподóби Трóицу Святу́ю, Единосущную и Нераздéльную пéти и слáвити во вéки веков. Амїнь.

МОЛІТВА ВТОРÁЯ

О великий и пресвятый святителю óтче Васїлие, преслáвный Вселénскїя Цérкве учїтелю, слáвы Пресвяты́я Трóицы всеусérдный побóрниче, Мáтере Бóжїя и Ея пренепорóчнаго дéвства предызбрáнный исповédниче, пресвётлый чистоты́, смиренїя и терпéния óбразе. Сé аз многогрéшный и недостóйный на высотú небесную взирáти, смиренно молóю тя, о премúдрый Цérкве Христóвы учїтелю, научї мя тáко богобóязненно житїе своё прóводїти, да никогда́ же на пúть, Бóжїим повелéнием протївен, уклоню́ся илї совращён бúду. Соблюдї и избáви мя твоїм многомóщным предстáтельством от соблазнов мїра и кóзней дя́вольских, я́коже избáвил есї от нїх ю́ношу, от Сладчáйшаго Спасїтеля нашего отступївша и во вла́сть сатаны впáдша. Дáруй мнé сїлу душевную усérдным бїти подражáтелем добродéтелей твоїх высóких; содéлай мя в вéре правей твёрда и непоколебїма, укрепї мя малодúшнаго в терпéнии и уповáнии на Гóспода, возгрéй в сéрдце моём їстинную Христóву любóвь, да небесных блага́ пáче всех желáю и їми усладяюся. Испросї мнé у Гóспода їскреннее о гресéх сокрушéние, да прóчее врéмя животá моего́ в

мире, покаянии и исполнении заповедей Христовых провождати буду. Егда же час моего скончания приблизится, ты, о преблагий отче, с Преблагословенною Девею Мариею, тогда ускори на помощь, защити мя от злобных наветов вражиих, и сподоби мя наследника быти райских селений, да купно с тобою и со всеми святыми неприступнаго Божия величества Престолу предстану и Живоначальную, Единосущную же и Нераздельную Троицу прославляю и воспеваю, присно и в безконечныя веки. Аминь.

МОЛИТВА ТРЕТЬЯ

О великий и преславный святителю Христов, всея вселенския Церкви учителю богомудрый, Православия твердый исповедниче и поборниче, всеблаженне отче Василие! Призри от высот небесных на нас, смиренно к тебе припадающих, и умоли Господа Вседержителя, Егоже верный на земли служитель был еси, да дарует нам веры правыя твердое и неизменное сохранение, Церкви Святей послушание, жития нашего исправление, и во всех нуждах, скорбех и искушениях скорое поможение, терпение же и укрепление. Подаждь нам твое святое благословение, да оным осеняемии, сие новое лето и во вся дни богоугодно в мире и покаянии проживем и во Царствии Небеснем сподобимся купно с тобою и со всеми святыми Живоначальную Троицу воспевати и славити, Отца и Сына и Святаго Духа, во веки веков. Аминь.

МОЛИТВА ЧЕТВЕРТАЯ

О великий и пресвятый святителю, отче Василие! Призри от высот небесных на нас, раб Божиих (имена), и умоли Господа, Егоже верный на земли служитель был еси, да дарует нам веры правыя твердое и неизменное сохранение, Церкви Святей послушание, жития нашего исправление и во всех нуждах, скорбех и искушениях скорое поможение, терпение же и укрепление. Подаждь нам твое святое благословение, да оным осеняемии во вся дни богоугодно в мире и покаянии проживем и во Царствии Небеснем

сподобимся кúпно с тобою и со всіми святými Живоначальную Троицу, Отца и Сына и Святаго Духа, воспевати и славити во веки веков. Аминь.

ТРОПАРЬ СЯТИТЕЛЮ ВАСИЛИЮ ВЕЛИКОМУ, ГЛАС 1:

Во всю землю изыде вещание твоё,/ яко приёмшую слово твоё,/ имже боголѣпно научил еси,/ естество сущих уяснил еси,/ человеческия обычаи украсил еси,/ царское священіе, отче преподобне,/ моли Христа Бога // спастися душам нашим.

КОНДАК СЯТИТЕЛЮ ВАСИЛИЮ ВЕЛИКО, ГЛАС 4:

Явился еси основаніе непоколебимое Церкви,/ подая всем некрадомое господство человеком,/ запечатлѣя твоими веленьми,// небоявленне Василіе, преподобне.

ВЕЛИЧАНИЕ СЯТИТЕЛЮ ВАСИЛИЮ ВЕЛИКО

Величаем тя, / святителю Христов Василіе, // благочестно Церковь Христову сохранишаго.

ТРОПАРЬ ОБРЕЗАНИЮ ГОСПОДНЮ, ГЛАС 1

На Престоле огнезрачнем/ в Вышних седяй со Отцем Безначальным и Божественным Твоим Духом,/ благоволил еси родитися на земли/ от Отроковицы Неискусомужныя, Твоея Матере, Иисусе,/ сего ради и обрезан был еси, яко Человек осмодневный./ Слава всеблагому Твоему совету,/ слава смотренію Твоему,// слава снисхожденію Твоему, Едине Человеколюбче.

КОНДАК ОБРЕЗАНИЮ ГОСПОДНЮ, ГЛАС 3:

Всех Господь обрезаніе терпит/ и человеческая прегрешенія, яко Благ, обрезаует,/ даёт спасеніе днесь миру./ Радуется же в Вышних и Создателев иерарх, // и светносный, Божественный тайник Христов Василій.

ВЕЛИЧАНИЕ ОБРЕЗАНИЮ ГОСПОДНЮ

Величаем Тя, / Живодавче Христе, и почитаем пречистыя плоти Твоя / законное обрезаніе.